

天津府志卷之十六

河渠志

前代水利多詳於南而略於北雖金隄瓠子代虞衡而隋志訛屯氏河為毛河則平時不加之意可知迨大河南徙北河水利尤不講久矣酈道元生於北方而水經注不免百瑜一瑕故人以南產疑之他更何論焉

聖祖仁皇帝敷土功宏方略多經親授永定于牙二河閱視再三至今民懷

治德

天津府志

卷之十六

河渠上

一

世宗憲

皇帝特就郡設北路河院以九列大臣任之嗣是

水利肇興為利萬世

今皇帝御極以來屢命卿貳臨河相度蓄洩疏濬足以永慶安瀾直沽一隅為三方諸水之匯特詳之以志

帝力於勿替志河渠

一白河

源流詳山川志

即北運河

畿輔通志白河性悍多沙遷徙無常俗稱自在河治河要覽通州香河武清三州縣運河其北自白河與富河在通州北石壩處合流四十里許至張

家灣而下通惠桑乾諸河入焉南流至天津出海  
所謂潞河也亦稱白河自通州石壩起至天津衛  
界止計程三百四十二里明神宗實錄萬 三十  
一年從工部議挑通州至天津白河深四尺五寸  
所挑沙土卽築隄兩岸著爲令漕河圖志燕趙之  
間地方千里其間巨細河流悉至武清縣丁字沽  
注於白河故一遇雨潦白河滿溢要兒渡口南蔡  
村等處衝決隄岸壞民田廬起夫塞築勞費萬計  
逮時乾旱舟行又或淺阻以此知水勢盈涸不常  
不可以經久而論也畿輔通志白河會潮沽榆沙

天津府志

卷之十六

河渠上

二

通惠諸河之水源高勢峻有如建瓴而西北諸山  
泉流滙聚每伏秋之際積雨水歇怒流已至頃刻  
等丈非徒恃隄防所能捍禦也康熙三十八年決  
武清縣筐兒港次年

聖祖仁皇帝親臨視閱

命員外牛鈕等於冲決處建減水石壩二十丈開挖引河  
夾以長隄而注之塌河淀由賈家沽道洩入海河  
楊村上下百餘里河平隄固有

御製碑文誌其事康熙五十年以河西務工程險要

親臨指授命牛鈕開挖引河復以河西務城東有舊河形

對新河下口至三里屯長四百餘丈

特命開直河一道次年工成於是新河之溜移流於西而

東岸大隄之汕刷以免要兒渡之衝險無虞矣雍

正三年大水隄岸埽壩多有衝潰四年經 怡賢

親王奏請北運河一切工程歸通永道統轄河西

務設同知一員楊村設通判一員分界管理增置

縣丞主簿等官以備防修五年河水泛溢東西岸

漫決者四六年 怡賢親王奏拓筐兒港舊壩闊

六十丈展挖引河改築長堤七年疏濬賈家沽道

分減既多消洩亦暢故壩門以下河水安流而河

天津府志

卷之十六

河渠上

三

西務一帶距壩稍遠山水暴至遂復漫決上厯

聖懷發帑遴員授之方略於河西務上流之青龍灣建壩

四十丈開引河而注之七里海仍展挖寧車沽河

導七里海水而洩之北塘口上下分消區畫盡善

運道民生均獲寧謐而所費帑金已不下六十餘

萬矣

白河所匯諸水

玉河

畿輔通志源出宛平縣玉泉山匯為西湖  
分流入德勝門西水關過

皇城五龍亭前為北海子從釜水橋出正陽門東水關

東迤少北至東便門東水關出注通惠河其水

流自德勝門外至大通橋環繞都城注於通惠河名護城河

通惠河

畿輔通志亦名大通河源出昌平州白浮村神山泉西南會一畝馬眼諸泉又

經宛平縣玉泉山東繞甕山匯為七里灤東入都城西水門貫積水潭又東從月橋南出玉河橋水門合南北城河經大通橋至通州分流一自舊城西水門流入城內至東水門出一自新城西門外繞城南折而東北乃合流至張家灣城東門外入潞河元史河渠志至元二十八年都水監郭守敬建言疏鑿上自昌平縣白浮村引神山泉西折南轉過雙塔榆河一畝玉泉諸水至西門入都城南匯為積水潭東南出文明門東至高麗庄入白河總長一百六十四里一百四步告成於三十年之秋賜名曰通惠明世宗實錄嘉靖六年巡倉御史吳仲言通州運河元郭守敬創建已有明效今通流等八閘遺蹟尚存原設官夫具在因而成之為力甚易上命戶部侍郎王軌工部侍郎何詔及仲董其事軌等言通流閘經二水門南浦上橋廣利三閘皆衢市闐闐不便轉運從溫泥河濱舊小河廢堰西不一里至堰水小壩令通普濟開則徑易可

天津府志

卷之十六

河渠上

四

省四閘兩關轉搬之難從之七年河成糧運至者一百九十萬三千八百有奇

清泉河

畿輔通志在大興縣東南亦曰渾河舊渠自宛平縣東流入境又東入張家灣

入白河

三里河

明憲宗實錄城南三里河至張家灣連河口袤延六十餘里舊無河源正統間

因修城壕作壩蓄水慮雨多水溢故於正陽橋東南低窪處開通壕口以泄其水始有三里河名自壕口三里至八里庄始接渾河舊有渠又迤南入張家灣白河其水深處二三尺淺處尺餘闊處丈餘窄處未及一尺

高粱河

畿輔通志在宛平縣西源出昌平州沙澗東南流經高粱店又東南流入都城

積水潭

水經注出薊城北平地東注逕燕王陵

俗諺云高粱無上源言其微涓淺薄裁尺通津也

清河畿輔通志在宛平縣西北昌平山水記其水出玉泉山分流而北逕此又會於沙河

入於白河

凉水河畿輔通志在宛平縣由水頭庄泉發源東南流入海子內經馬駒橋又東至張家灣曰南新河又東南入白河

駱駝港河畿輔通志在香河縣北八里名勝志源自三河縣兔兒山經縣界入白河

富河畿輔通志在通州西北即古濕餘水也一名濕餘河亦曰榆河源出昌平州由順義

縣界至通州北關外與白河合水經注濕餘水出上谷居庸關東又東流過軍都縣南又東流

過薊縣又北屈東南至狐奴縣西入蘆沽河方輿紀要濕餘河源出軍都山至舊縣西而伏又

南復出謂之榆河其發處為月兒灣或名濕餘河今上流已涸下流為沙河入順義境至通州

會白河

天津府志

卷之十六 河渠上

牛家務河畿輔通志一名絳河在通州東北源出牛欄山經西趙村過絳橋至王家

渡入潞河

灤河畿輔通志在通州南自盧溝分流至廢灤縣西折為三其一為灤河東入白河其一

為新庄河流入武清縣界其一為黃滙河流入飛放泊

新引河畿輔通志在武清縣東北河西務東即白河支流康熙五十四年開濬

沙河昌平山水記沙河店南有水出昌平州西沙河店北有水出昌平州西南四家莊逕雙塔

村東流為北沙河二水至店東南竇家莊合流至通州界

入白河

雙塔河畿輔通志在昌平州西南三十里元史河渠志源出昌平縣孟村一畝泉經雙

塔店而東至豐善村入榆河

湯峪河畿輔通志在昌平州西亦名湯峪川源出石縫山下東南入雙塔河

黃花鎮川方輿紀要源出塞外自二道關流入黃花鎮口經昌平州東北入白河

大水峪河畿輔通志在順義縣北二十五里自懷柔縣流入東南流至牛欄山東麓

入白河

馮家渡河畿輔通志在密雲縣北九十里源出口外自馮家峪口流入白河

白馬關河畿輔通志在密雲縣北百里源出口外自白馬關口東流入縣界南折入

白河

七渡河懷柔縣志在懷柔縣南二里即昌平州之珍珠泉也水經注出北山黃頌谷亦

謂之黃頌水東南流注沽河按懷柔縣志謂南流入縣界至城東南入大水峪蓋由大水峪

河注沽河耳

天津府志

卷之十六 河渠上

六

雁溪河畿輔通志在懷柔縣東八里源出塞外自開連口入界南流徑大水峪河入白

河

小泉河畿輔通志在懷柔縣東三里源出虹山由采家里入白河

寶帶渠畿輔通志在懷柔縣城外縣人鍾其潔鑿引白河水繞城如帶故名

西湖玉泉山下詳上白河

芹城水畿輔通志在昌平州東北四十里水經注出北山經芹城東又南注濕餘水

幢幢水畿輔通志在昌平州西北虎峪山下飛瀑如布流二三里至鵝鶴巖隱流不見

或云舊治西北城下虎眼泉是其復出處流入榆河

潮河畿輔通志經密雲縣西合於白河

黑城川畿輔通志在密雲縣北四十里平頂山後流入潮河

三藏川畿輔通志一名三城水在密雲縣東北

川其合處曰三藏口入潮河

道人溪畿輔通志在密雲縣東北石盤谷發源龍門流注縣西入潮河

積水潭即西海子  
詳上玉河

七里泊畿輔通志宛平縣西北三十五里方輿勝覽在碾庄自昌平州流經此合高梁

河

一畝泉畿輔通志在昌平州西十五里約逕一畝故名

虎眼泉畿輔通志在昌平州西八里舊城下按以上二泉俱於白浮村西南會玉河

曲水泉畿輔通志在順義縣東北二十里泉水湧出南流入白河

九泉水在獨石南

天津府志 卷之十六 河渠上

光峪水在禦夷鎮城西

乾谿水在獨石固門

鵲谷水在赤城東南

高峰水在高峰城東南

大谷水在獨石 按水經注以上六水皆即其地注白河

陽樂河畿輔通志即古陽樂水也在龍門縣東東流至赤城縣界入沽河水經注出且

居縣東北流逕大翻山小翻山北歷女祈縣故城南世謂之橫水又謂之陽曲河又南逕一故

亭又東左與舊滷水合水出西北山東南流逕舊滷城北又東南流注陽樂水陽樂水又東南

逕旁狼山南又東南逕溫泉泉東又逕赤城西逕其城南東南入赤城河 按通志云今龍門

縣有龍門河源出縣西娘子山東南流逕縣南二里又東逕鵬鵲堡西南即水經注所謂橫水

也又有南河源出縣南狗兒村東北流至堡西  
南七里合龍門河即水經注所云舊滷水也龍  
門南河合而東徑堡南統謂之南河又東至赤  
城界合枯河即水經注所云陽樂水東南入赤  
城河也

舊滷水即南河

龍門河即橫水以上二水攬水經皆入陽樂水

澗河畿輔通志在延慶州東南三十里源出八達嶺東四里東南流逕昌平州界入榆河

按以上總四十五河其獨行入沽者三十有一  
支流二由玉河者三由潮河者三由榆河者四  
由雙塔者一由高粱者一

一衛河所匯諸水即南運河詳山川志

天津府志 卷之十六 河渠上

八

方輿紀要衛河源出河南輝縣西北七里之蘇門

山東流經新鄉縣北過衛輝府城北一里又東北  
入北直大名府濬縣境謂之白溝淇水入焉亦謂

之宿胥瀆後漢建安九年曹操於淇水口下大枋  
木遏淇水東入白溝是時淇水人大河故操遏使

東北流以便漕運衛河乃附淇水而東淇水見河南淇縣

隋大業四年又引白溝為永濟渠亦曰御河自是  
衛河專有御河之名而淇水之名遂掩今衛河由

濬縣經內黃縣北魏縣東南又經大名城南東北  
流與故屯氏河相接歷山東東昌府館陶縣西漳



河合流濁勢盛漕河得此始無淺澁之虞山  
武城縣及恩縣之西至北直故城縣南又東北歷  
山東德州西又北歷北直景州東境吳橋縣西境  
過東光縣西交河縣東南皮縣西又北抵滄州西  
及興濟縣西又北至青縣南全河口而合於滹沱  
又北至靜海縣與霸州文安縣接界東達天津衛  
又東百里而入於海曲折幾二千里此衛河之大  
略也宋時黃河北流往往浸溢衛河屢費修築元  
初漕舟涉江准入河至於封邱河南開封府屬縣陸運一

天津府志

卷之十六

河渠上

九

百八十里至淇門

今衛輝府淇縣

人於御河達於京師蓋

用衛河之全也國家復濬會通河乃用衛河之半

青縣河在城東一里自興濟縣流入境合於滹

沱城西北過天津衛入海 興濟縣河在城西自

滄州流經此又北入青縣界舊為大河所經宋慶

八年大河自澶州商胡口北流至乾寧軍入海

熙寧初議者欲閉北流回河東注提舉河渠王亞

言黃御河帶北行入獨流東砦徑乾寧軍滄州等

八砦邊界直入大海海口闊至六七百步深八九

丈三女砦以西闊四百步深五六丈其勢愈深其

流急流此天所以限契丹也若再開二股漸閉北  
流此不觀黃河在界河內東流之利耳不報宋末  
大開南從元引會通河而衛河遂爲轉輸要道縣  
城西北舊有范橋渡爲衛河津口縣名興濟蓋以  
此 滄州河在城西市西橋跨其上 下游自南皮  
縣流入境又東北入興濟縣界元志永濟河在清  
池縣西三十里時州治未移也又州西北五里有  
永濟堤唐永徽二年刺史姜師度築州東南三十  
里又有永濟北隄開元十六年所築 臨皮河在  
縣西二十里曰東光縣流入境與交河縣接界又

東北流入滄州界縣北衛河岸有大隄自南亘北  
五十里高丈餘東接滄州境西接南皮境衛河水  
漲西境爲患特甚有郎兒口向爲洩水處下流又  
有河名曰盤河東注於海元延祐中爲屯軍所築  
塞衛河汜溢浸沒民田互相詰訟泰定初乃議開  
掘截然中斷二十餘丈水由中流縣境遂無水患  
志云郎兒口在縣東北四十五里北去滄州三十  
餘里又馮家口在縣西北三十里亦與交河縣接  
界縣西南二十里又有十二里口皆衛河所經又  
齊家堰在縣西北二十里卽衛河東岸河流至此

湍悍迅急萬 十一年修築齊家堰堤自東光縣  
之北下口至馮家口共計一千七百餘丈治河要  
覽天津運河北自武清縣交界三岔河起南至東  
岸南皮縣西岸交河縣界止歷天津靜海青縣滄  
州共計程三百四十五里畿輔通志南運有減水  
河二一在滄州南十五里捷地一在故興濟皆明  
治中開以備衛河泛溢久而堙塞閘石猶有存  
者雍正三年大水衛河溢決十三口 怡賢親王  
奏開減水二河各建滾水石壩一座挑濬舊河分  
達海港滄青水勢藉以消洩居民賴之惟是南運

向苦淺滯故額設淺夫以供挑挖兩岸堤工隨時  
補苴而已白漳河南徙於館陶入運湍急浩瀚每  
羨溢爲災雍正四年經 怡賢親王奏請分道耑  
轄增汛員設歲修始以隄防爲務乃隄日增高而  
水亦隨長伏秋汛漲各州縣往往於隄上加埝以  
防漫溢蓋以漳水泥濁河形曲折墊淤於下則泛  
溢於上勢固然也計惟於德州上流與古黃河相  
近之處度地建壩廣三四十丈引而注之古黃河  
不惟直隸河隄永免漲溢卽德州一帶工程寧謐  
矣

衛河合漳所滙諸水

畿輔通志漳水自入直隸界至廣平分爲二支

一東行經館陶入衛一爲經流東北行經山東

邱縣復分爲二支一折而東逕威縣南宮棗

武邑景州阜城交河至青縣杜林村一折而西

經廣宗平鄉鉅鹿抵寧晉泊會滏陽河康熙三十三年

東徙經魏縣元城抵館陶入衛滏獨行貫至冀

寧晉泊至衡水縣界滹沱河出焦岡合流

州合滹沱由衡水歷武邑武強入獻縣完固口

由單家橋合杜林村之流至鮑家嘴歸運其支流自

天津府志

卷之十六

河渠上

三

河自廣平而北俗曰新漳河其由館陶入衛者

自廣平經魏縣亦分新舊二渠過元城而東注

此近日漳水之大槩也其至青縣合衛卽自冀

州合滹至獻縣分支南流至青縣之漳也有傳

家池在深州東滹沱別支入漳賈家溝武強東北東流入漳古河

河俱武強清漳之分也閆家溝武強呼池支流合於龍冶河龍冶河

支流自深州入武強合漳拳壯河廣平縣東漳支流劉麟河

阜城劉裕子麟渡此故名接索盧河入漳索盧河衛河支流一名黃

麟河注漳流沙河大名府城東亦曰沙河入漳飲馬河武強索盧

河皆入漳合水經注所滙總七十有七水注詳

按畿輔通志水經注漳水於武安縣東清水東南來注之世謂交漳口自此而上為漳之上流歷久不變昔史起堰水以灌田魏武鑿渠而漕粟漳之為利可知也磁州而下則決徙不常歷代以來或亂於河通典河水橫流入漳是也或塞於衛元河渠志漳水潰溢衛不能通是也至明則挾滏陽而北徙明外史河渠志漳自永樂九年與滏陽河合是也

國朝則併滹沱而東溢禹貢錐指滹沱於順治二年從

天津府志

卷之十六

河渠上

三

冀州合於漳是也

一子牙河

畿輔通志子牙河伏秋汛發奔騰湧溢河間以北靜海以南皆被其害康熙三十九年

聖祖仁皇帝親閱河工

特授方略頒發帑金於獻縣河間東西兩岸高築長隄西

接大城東接青縣靜海各二百餘里又於廣福橋

之焦家口開新河一道東北至賈口入淀特設分

司一員董其事令河間府同知分轄增置縣丞主

簿等官備汛防修自是河大青靜之民始有寧宇

矣嗣後雍正三年分司不得其人河員怠於其職隄多潰決 怡賢親王奏准動帑修築又奏請撤回分司歸天津河道統轄又子牙河至王家口入淀之處分爲二派一派西流徑文安土橋村至趙家莊又分二支西支抵文安大隄而北至龍塘灣北支徑三灘里至張官營抵石溝河往往橫截清流兼爲隄防害一派東北流徑瓦子頭斷隄村岳莊莊頭村過王家泊抵臺頭會清河而東雍正三年經 怡賢親王奏請障其西流約束歸一四年令清河道王紘相度工費及汎水過後西文自淤

正流俱由瓦子頭一支而莊頭村南舊有私河一道東有陳家泊歸獨流大坑急溜衝刷遂通舟楫此亦水自遂其東下之性非人力所爲然順而導之再加疏濬俾全河之勢盡歸大坑則臺頭一河無復渾濁之擾清水可以暢流矣再子牙河新河入淀之處東西相距二十餘里兩河之隄南連而北缺兩隄每遇二河漲溢淀水倒漾則數十村落皆在水中而河員猶守兩隄唯謹幸獲無虞則自以爲功此如防盜者守墻垣而開後戶盜入胙篋發匱而去垣墻守者猶巡警徹夜此何爲者也故

北面之隄斷宜接築查王家口村南東岸有古河一道名三家淀河緣東隄出瓦子頭橋下迤邐東北與新河合而入淀雖已淤淺河形宛然若挑挖深通亦可分正流之漲挑河之土卽用以築隄補缺成圍圍內之地分別高下疏列溝塍於西南建閘引溉東北洩而出之一舉而河隄兩成營田亦就矣再查新河形勢由西南而趨東北從高就下直注獨流大坑甚爲徑捷但河身淺狹隄岸殘缺若深濬而堅築之於焦家口分流之處建挑水壩逼子牙之溜移入新河刮刷愈深則王家口以上

無羨溢之虞卽臺頭一帶亦免墊淤之患矣

子牙河上游所匯諸水

按子牙河爲南北泊及滏陽滹沱之尾閭其上游所匯諸巨川仍標列於後而以支流詳附之或源或委覽者庶有脉絡可尋

滹沱河

源流詳山川志

陸隴其畿輔地圖記滹沱河歷

藁城晉州東鹿至冀州會漳滏二河過衡水武邑武強至獻縣爲二支一東流爲鹽河一南流交河縣抵青縣全河口入衛畿輔通志滹沱自獻縣分流經交河縣抵青縣南七十里杜林鎮與漳河會

昔時高陽淡澤皆河所經今徙而南在東鹿營  
之間衝嚙爲甚又云自獻縣分流一由大城爲子  
牙河卽漢志所云從河東至文安入海者此正流  
也一至青縣杜林鎮合漳卽水經注所云衝漳東  
北左會滹沱別河故瀆謂之合口者此支流也近  
志以子牙爲滹沱之別支誤矣許汝霖北河聖功  
頌序滹沱合漳滏諸水謂之胡盧河自深州武強  
至獻縣城南入完固口分而爲二一西南由單家  
橋入交河縣又東至青縣鮑家嘴入衛河一西北  
由臧家橋至河間府龍華橋又北逕大城縣爲子

牙河歸三角淀畿輔通志滹沱嚙於恒晉至冀州  
合漳而渾濤益怒蓋水勢合則猛也漳河潰溢於  
洛瀛至青縣合滹沱而安行赴海蓋水之性就下  
而順也又云順治二年由東鹿南歷冀州入漳深  
州遂無水患康熙中復自東鹿決入深州方輿紀  
要云深州河在州北四十里自安平縣流入又東  
北入饒陽縣北禹貢錐指河自天啓後衝徙而南  
順治二年自東鹿南決入冀州合漳水渾濤而安  
平饒陽之地不復有滹沱矣東鹿縣志順治十二  
年滹沱自晉州境內寨子村決入縣境百尺口歸



清水河康熙五年復自晉州決入分爲五道一由縣彭六左劉家庄西一由縣藻口村俱流入冀州歸清水河一由縣傾井村一由縣張岔口村一由縣棗營村俱流入深州歸清水河冀州志自順治二年滹沱入州境有二口一由東鹿縣韓村莊至州界趙家莊入漳一由智邱村四七營温浪口等村過隄北入漳漢書郡國志蒲吾渠註永平十年作常山滹沱河蒲吾渠通漕隋圖經魏改爲清寧河唐書五行志永淳二年八月恒州滹沱河溢害稼隄防考宋天聖間曹馬口隄壞尋復修築金史

河渠志滹沱河大定八年犯正定命發民夫繕完隄岸元史河渠志延祐七年正定路言正定縣滹沱河北決隄寢近城每歲修築聞其源本微與冶河不相通後二水合其勢遂猛唯關冶河自作一流滹沱水十退三四正定府志明成化八年河由正定出晉州紫城口南入寧晉泊正德十三年紫城口淤塞淺漫分爲二股一股仍由寧晉泊一股東溢由東鹿鴉兒河入深州界遣夫於涅槃集迤東修築隄岸障東溢之水歸寧晉故道工甫畢而秋水漲溢南流仍併東流入東鹿界嘉靖十一年

遣太僕卿何棟相視回奏晉州地形西高東下水性就下遂失故道議於藁城張村起自晉州故壩止厚築長隄障歸故道不果其後徑州南關外

國朝順治十三年又南徙由藁城南彭村徑晉州周頭村北釣魚臺龐家庄胡士庄塞入束鹿百尺口橋至冀州歸清水河畿輔通志滹沱水急流濁所至填淤自入寧晉泊滏澧水道俱受其壅塞雍正三年東徙決周頭村直衝束鹿環城而流瀰漫四野次年束邑官民籲請 怡賢親王障歸故道仍入寧晉泊 王以泊乃三郡河流匯歸之地有翁受

天津府志

卷之十六

河渠上

六

節宣之功豈可復聽濁流淤塞致衆水無歸漲溢爲害乃親行相度得舊河一道由木邱南至焦岡入滏河委員自第四溝開挖一路疏濬深通於周頭築壩障其東下而導之南流自是束深無衝潰之虞泊水免淤塞之患矣按冶河一名甘淘河源自山西平定州之松嶺流至平山初不與滹水相通元初鑿而合之其勢最猛延祐間引闢冶河害已減半後冶河下流漸塞復入滹沱歲有潰決之患皇慶間議復之而未果 怡賢親王奏請塞冶河入滹之路循其故流加以挖濬引入洺河誠爲

一勞永逸之計

滏陽河

畿輔通志

卽滏水源出磁州之神麇山

山海經所謂神麇之山滏水出焉是也太平寰宇記謂滏陽縣滏水源出縣西北鼓山南巖下泉源奮湧若滏之揚湯故以滏口名之左思賦北臨漳滏註云滏水熱以其湧沸如滏故也名勝志云滏河流至邯鄲縣東五里亦呼爲柳林河東北經府城南東入曲周界又滏水經磁州城東北又東流入邯鄲東會渚沁二河又東北經廣平府城南轉向東逕曲周又北經鷄澤縣東又北入順德府平

未津府志

卷之十六

河渠上

九

鄉縣界磁州志云滏水發源鼓山之麓北流八字澗浸滏之水亦常入焉東南行二里許與黑龍洞水滙其流始大黑龍洞卽神麇山也東行繞州城東北行至閻家淺入邯鄲縣界又東北流至廣平府城南橋又轉東橋又北至曲周東橋向漳滏合流於此康熙二十三年漳河分而往東三十三年漳水復歸六月間仍東流滏水又東至鷄澤縣又東至平鄉縣界明郊史河渠志云滏陽經平鄉至穆家口會百泉等河北流明永樂間漳河決二水相合爲患景泰間又合漳衝曲周諸縣沿河之地

皆築堤備之成化間舊河淤衝新店西南爲新河  
合沙洛等河入穆家口亦築堤備之一統志云舊  
滏河在鷄澤縣西自永年通水閘北流經此又北  
達平鄉縣入寧晉泊舊道紆曲不能容常潰決爲  
患

國朝康熙七年知縣姜照挑濬新河以導其流自馮鄭  
村至亭自頭長二里許六方等村永無水患又云  
滏舊合漳故多衝溢今漳水東徙經魏縣元城抵  
館陶入衛不與滏合滏水獨行貫寧晉泊出至衡  
水縣界滹沱河出焦岡合流經冀州武強獻縣河

間青縣大城入淀名子牙河其支流自完固口經  
杜林鎮抵青縣之鮑家嘴入南運河近已淤淺惟  
子牙一河支爲巨浸焉又滏河堤岸例係灑河村  
莊修築難免潰決應照千里長隄之例將該州縣  
所有隄工丈尺查明按通邑里甲灘派均修造冊  
存案永著爲令工少人多自成鞏固矣出泊以下  
水勢倍增會以滹沱濤悍之流所有民堰難資捍  
禦雍正八年衡水隄決溢流直犯青縣應將臧家  
橋以上直至衡冀一帶民堰令地方官查估動帑  
增修工竣仍照千里長堤例令民間年年修補

滏陽河所匯諸水

牛家河 漳水支流由曲周縣經任縣界合滏河

渚河 其源有二一自邯鄲縣西蘭家河一自縣西南閭家河並出紫山合為渚經縣南五

里入滏

漳河故道 有二在順德府下合滏

洛河 在武安縣西北三門山經雞澤縣東與沙洛合流為鷄澤

沙河 沙河縣南五里一名馮水俗名沙河與洛河合為沙洛河

小漳河 滏陽支流由永年縣至任縣之劉累河南注沙洛

沁河 有二源一自邯鄲縣西北巖崙河一自縣西北牛照河皆出紫山合而為沁東入滏

名勝志渚沁二河古牛首是也

天津府志

卷之十六 河渠上

三

輸龍河 洛河支流在邯鄲合沁水

賀蘭河 出賀蘭山由磁州入滏

泥河 在磁州源出本村沙石小橋下入滏

澗河 在磁州北源出河口村經邯鄲北入滏

羊渠河 在磁州西出本村之西南入滏

忙牛河 在磁州北其源有二一出蔣村為北河一出林堽舖為南河至落子村合流東

入滏

余公河 肥鄉西北明鑿此以洩滏水

五瓜渠 磁州西明引滏水溉田

玉泉池 磁州西北入滏

賈葛潭

廣平府城西受邯鄲西山之水東注滏

廣盛泉

磁州西南神鹿山東入滏

落漠水

卽古薄洛津在平鄉縣西洛河分派也下合滏

一南北泊

寧晉泊

畿輔通志

一名胡盧河土人吐爲北泊

在寧晉縣東南二十里其上流卽漳水自順德府南和任縣達隆平而東北滙大小群川洩河冶河沙河洩河塊河午河李陽河七里河滏陽河咸入焉貫泊而出又東北入冀州界河寧晉縣志云趙武靈王曰吾國東薄洛之水或謂葫盧卽薄洛之

天津府志

卷之十六

河渠上

三

訛

畿輔通志平鄉落漠水謂卽薄洛與此說不同

自滹沱河南徙由賈口

而入淤塞滏河故道三十餘里水無所洩遂衝決洩口營上等村而東注水口河身亦多淺隘雍正三年滹沱東徙不復入泊次年 怡賢親王奏請開挖自黃兒營至營上村一路展寬濬深泊水始得暢洩又謂漳滏貫泊而出至冀州而下則漳滏之名爲滹沱所掩而滹沱亦與胡盧互舉矣

大陸澤

太平寰宇記廣陸澤一名大陸一名鉅

鹿一名大麓一名沃川在鉅鹿西五里元和郡國

志大陸澤在鉅鹿西北五里東西二十里南北三

十里卽南泊也順德府志在任縣東北十里俗名  
小東湖又名張家泊王原祁大陸澤圖記大陸澤  
九河之水皆滙焉九河爲洛沙蔡馬豐達活百泉  
聖水滄陽而豐滄爲之長九河之外尙有泚泆等  
八河皆自任縣之西南西北而歸於大陸豐獨深  
且長元郭守敬所以獨議開豐河也而滄陽則自  
穆家口洩大陸之水經隆平寧晉直下天津自萬  
二十六年漳河溢入滄陽而隆平以下地淺易  
淤於是滄陽又決而東徙故道猶存所謂古滄陽  
也古滄塞而大陸之水因從雞爪河以東瀉於新  
決之滄陽亦其勢使然也畿輔通志北有穆家口  
河洩之於北泊東有雞爪張滋等五溝洩之於滄  
河任縣志云 治時溷水洶泆九河舉發衝決隄  
防下流隆平縣淤塞者四十餘里隆平鉅鹿均被  
其害而任居多嘉靖六年發正定順德二府夫役  
同浚之自穆家口至羊毛圪塔四十里深廣各丈  
餘水得其性隆鉅復膏壤而任之水患亦息

國朝順治十八年重濬日久堙塞而五溝亦淤其三祗  
有鷄爪張滋不絕如縷有所受而無所洩伏秋漲  
溢爲瀕澤居民田廬害雍正四年 怡賢親王委

貫開穆家口河長四十里洮河之士即以夾築長隄導澤水而注之北泊其鷄爪等溝亦加疏滌水患既除水利亦興邢家灣南邊家莊北引流種稻營田數百頃按南北二泊正定廣平順德二府之水會也西帶重山二十餘河之水建瓴而下伏秋之際千巖飛雨萬壑懸流若無二泊爲之翕受而節宣之其奔衝橫溢爲何如哉故南北之有二泊猶東西兩淀皆治水者所當加之意也滹水常入北泊塞河口而環泊州縣受漲溢之害者多年滹河合滏溷入南泊而穆家鷄爪等河淤塞遂致中

滿旁溢任隆之民坐受其浸今幸滹漳遠徙然二水故瀆尙存濁流之遷徙靡定旣可以不祛而去亦可以不引而來且前明之世有障滹沱而歸寧晉以爲故道者矣有請濬穆家口仍俾漳滏會流者矣或暫免一方之害或微規目前之利而不知統計全局之利害其貽患不僅在一時也故謹著之又按入泊諸水惟浚豐百泉牛尾聖水等河恒流不竭其餘春夏每多枯涸前人載之圖誌設有橋座蓋以爲攝水歸泊之道也雨集山漲由此派分縷晰而注之大泊之中田間無宿潦焉其爲功



大矣後人不知浚治聽民佔耕一旦山水暴來爲  
田疇害雍正四年 賢王委員查勘酌量疏通五  
年復檄行各地方官隨宜濬治毋得聽其湮塞而  
奉行者少八年秋雨水溢環泊十餘州縣皆罹其  
災

憲皇帝發帑徧賑既過之後官民晏然又不復以爲事矣  
昔陸隴其爲靈壽令令民挖濬衛河其始頗有怨  
言陸不顧卒成之已而霽雨水大至賴此河宣洩  
遂以有秋至今民猶懷之 怡賢親玉開挖鳳河  
窩頭鮑邱牯牛野潦有歸數載以來民享其利

天津府志

卷之十六

河渠上

五

兩泊所滙諸水

百泉河

順德府城東南泉從地湧其流無數一名渦水一名鴛鴦水經南和境

澧河

在南和有二源一卽百泉一自洪河分梳至任縣入鷄爪河其百泉河自邢臺縣南

合洪河東注大陸澤

珍珠泉

馬跑泉

俱出順德府城東入百泉河

洪河

在沙河縣源出順德栲栳洪山故名徑縣納溫泉會沙河東合澧河

殷陳溝河

百泉支流由南和合澧

狼溝河

百泉分流自沙河縣東流經南和合澧河

九家泉

亦曰洛河泉源出平地入狼溝河

響水潭

南和縣東狼溝別支

七里河 順德西清風嶺下有泉東注合百泉珍珠黑龍潭泉是為七里河

黑龍潭 見上

野河 即古渠水出襄國西山在今順德府城西北引流七十二道下流會於禮

槐午河 出太行山之麓經柏鄉會於野河

新溝河 自高邑縣南經柏鄉野河元時所開也

蔡河 出順德府西山經邢臺縣分為二一環城為濠一東折合濠水會聖水河

達活河 鉅鹿郡西北今順德府也熙寧壬子忽伏尋復出因改名再來河南一東曰紫

金北一泉曰野湖三水彙流總名達活經縣之李道村入任縣至藩村合蔡

聖水河 出任縣聖水井合蔡馬二河東注達活

馮河 在任邱縣南有二支一東經小馬村為小馬河一東南流入唐口

天津府志

卷之十六 河渠上

五

順水河 有泉支流至南和合牛尾河至趙五家坨臺注達活河

攀才河 金躬合曬柯融紫

沙溝河 出龍騰山入龍騰水龍騰水即馬河也

礪水 出攬山即渚水也入沙河

宿龍泓 出贊皇縣環山亭下下為槐水一曰渡水合泚水

泚水 在元氏山越龍山東南合流於槐水

濟水 房山東流至瘦陶入泚此別一濟

泚水 在高邑縣南一名漕水或以為濟水入縣境合於槐水

浚水 其源有四一出蓮花營一出絳北村又二泉出欒城縣賈姬村之石牛港四水交流

自欒城合北沙河達井陘山為浚水至瘦陶入派

沙河 出元氏縣西山徑縣之封龍山東至欒城合流

狗跑泉 在臨城北流入魏河

猪龍河 元氏縣北源自山西至趙州合流

金河 出井陘縣東流至欒城會流

冶河 相傳即漢大白渠宋金陶冶處故名一各甘陶河源出山西平定州松嶺自娘子關

流注經井陘縣合綿蔓水初由縣西北入滹沱決溢為患元末引冶河自平山欒城達於流

井陘水 在獲鹿縣西北自井陘縣流入又東合綿蔓水一名鹿泉水一名陘水去石邑

里十

微水 井陘縣東北南入泚洶河

綿蔓水 在井陘西源出山西平定州與泚洶河合

天津府志

卷之十六 河渠上

七

桃水 由桑牛縣合綿蔓水

龍潭灣 在欒城西北治河支流也

七里澗 井陘縣東入綿蔓

按以上三十有七水並滙南泊為七里河由魏家口及鷄爪等溝北瀉